

Matthias Claudius,  
Abendlied

1. Der Mond ist aufgegangen,  
Die goldnen Sternlein prangen  
Am Himmel hell und klar;  
Der Wald steht schwarz und schweiget,  
Und aus den Wiesen steigt  
Der weisse Nebel wunderbar.

Wie ist die Welt so stille  
Und in der Dämmerung Hülle  
So traulich und so hold!  
Als eine stille Kammer,  
Wo ihr des Tages Jammer  
Verschlafen und vergessen sollt.

2. Seht ihr den Mond dort stehen? -  
Er ist nur halb zu sehen  
Und ist doch rund und schön!  
So sind wohl manche Sachen,  
Die wir getrost belachen,  
Weil unsre Augen sie nicht sehn.

...

Matthias Claudius,  
Vespera kanto  
*tradukita de Guido Holz*

1. La luno nun ekhelas,  
Steletoj oraj belas  
En la ĉiela klar';  
L'arbaro nigra revas,  
Kaj el herbejo levas  
Mirige sin nebula mar'.

2. Silenta estas mondo  
Kaj en krepuska rondo  
Hejmecas kun favor'!  
Similas kalman ĉelon,  
En kiu vi kverelon  
De l'tago dorme pelu for.

3. Ĉu vi la lunon konas?  
Aspekto nur duonas,  
Sed rondas ĝi en bel'.  
Do ankaŭ estas multo,  
Loganta al insulto,  
Okulojn ĝenas la malhel'.

...

Matthias Claudius,  
Vespera kanto  
*tradukita de Manfred Retzlaff*

1. La luno nun leviĝis,  
La steloj eklumiĝis,  
Subiĝis jam la sun'.  
Silentas la arbaro  
Kaj super la kamparo  
Nebulo blanka kuŝas nun.

2. La mondo ŝajnas kiel  
Hejmeca ĉambro, tiel  
Trankvila estas ĝi.  
Dormante ĉiun penon,  
Aflikton kaj ĉagrenon  
Dum nokta hor' forgesu vi.<sup>3</sup>

3.) Jen staras ĉe l' ĉielo  
Tre eta fora stelo,  
Sed tamen egas ĝi!  
Ja estas ofte aĵo  
Por ni nur ridindaĵo;  
Ĉar ne videblas ĝi al ni.

...

Matthias Claudius,  
Vespera kanto  
*tradukita de Joachim Gießner*

1. La luno jam leviĝis,  
steletoj ekheliĝis,  
ravante homojn nin.  
Silentas la arbaro  
kaj super la kamparo  
nebulo pala levas sin.

2. Neniu vento blovas,  
la mond' ne plu sin movas  
sub paca, klara lun'.  
Nun petu noktan benon,  
de l'tago la ĉagrenon  
dormantaj vi forgesu nun.

3. Jen luno sur ĉielo  
en brila ronda belo  
duon-videbla nur.<sup>4</sup>  
Ĉar multon ni ne vidas,  
ni ofte ĝin priridas,  
malsaĝe juĝas kun plezur'.

...

<sup>3</sup> alia versio:  
2.) Aĥ, kiel trankvileca  
La mondo kaj hejmeca  
Vespere estas ĝi!  
En tiu kalma paco  
Ekdormu vi pro laco,  
Forgesu la aflikton vi!

<sup>4</sup>S-ro Gießner unue tajpis:

|                                                                                                                                                                                                                    |                                                                                                                                                                              |                                                                                                                                                                    |                                                                                                                                                                     |
|--------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------|
| <p>3. Wir stolze Menschenkinder<br/>Sind eitel arme Sünder<br/>Und wissen gar nicht viel;<br/>Wir spinnen Luftgespinste<br/>Und suchen viele Künste<br/>Und kommen weiter von dem Ziel.</p>                        | <p>4. Ni homoj tiel vantaj<br/>Ja estas nur pekantaj,<br/>Malvasta nia sci';<br/>Ĥimerojn ni eltrikas,<br/>Ni multe artifikas<br/>Kaj perdas celon pli kaj pli.</p>          | <p>4.) Ni homaj fieruloj,<br/>Mizeraĵ ni pekuloj,<br/>Malmulton scias ni!<br/>Ni faras multajn aĵojn<br/>Kaj artajn elpenaĵojn,<br/>Sed vana estas tio ĉi.</p>     | <p>4. ....<br/>.....<br/>.....<br/>.....<br/>.....</p>                                                                                                              |
| <p>4. Gott, laß uns dein Heil schauen,<br/>Auf nichts Vergänglich's trauen,<br/>Nicht Eitelkeit uns freun!<br/>Laß uns einfältig werden<br/>Und vor dir hier auf Erden<br/>Wie Kinder fromm und fröhlich sein!</p> | <p>5. Vidigu, Dio, savon,<br/>Pasem' ne veku raven,<br/>Ne ĝoju ni pro glor'!<br/>Fariĝu malafektaj<br/>Ni kaj al vi respektaj,<br/>Infane gaju nia kor'!</p>                | <p>5.) La Dian savon vidu<br/>Ni nur kaj ni ne fidu<br/>je vanta iluzi'!<br/>Ni malfieraj iĝu,<br/>Ni ĝoju kaj piiĝu,<br/>Infan-egalaj estu ni!</p>                | <p>5. ....<br/>.....<br/>.....<br/>.....<br/>.....</p>                                                                                                              |
| <p>5. Wollst endlich sonder Grämen<br/>Aus dieser Welt uns nehmen<br/>Durch einen sanften Tod!<br/>Und, wenn du uns genommen,<br/>Laß uns in Himmel kommen,<br/>Du unser Herr und unser Gott!</p>                  | <p>6. Vi gracu, sen ĉagreni<br/>El mondo nin forpreni<br/>Al fin' per milda mort'!<br/>Kaj post forpren' fidele<br/>Hejmigu nin ĉiele,<br/>Sinjoro, Dio, nia fort'!</p>      | <p>6.) Finfine vi nin prenu<br/>El tiu mond', ĉagrenu<br/>Ni ne pro tio ĉi!<br/>Kaj kiam vi nin prenos,<br/>Ho faru, ke ni venos<br/>En vian regnon, kara Di'!</p> | <p>6. ....<br/>.....<br/>.....<br/>.....<br/>.....</p>                                                                                                              |
| <p>6. So legt euch denn, ihr Brüder,<br/>In Gottes Namen nieder;<br/>Kalt ist der Abendhauch.<br/>Verschon uns, Gott! mit Strafen,<br/>Und laß uns ruhig schlafen!<br/>Und unsern kranken Nachbar auch!</p>        | <p>7. Kuŝiĝu do kun pio<br/>Vi en la nom' de Dio,<br/>Jam fridas nokta vent'.<br/>Per punoj, Di', ne ĝenu,<br/>Per dolĉa dorm' nin benu,<br/>Najbaron ankaŭ en turment'.</p> | <p>7.) Gefratoj, enlitiĝu,<br/>Trankvile endormiĝu!<br/>Noktiĝas ĉie ĉi;<br/>Vin gardos nia Dio.<br/>Li regas super ĉio.<br/>Ĝis morgaŭ nun ripozu vi!</p>         | <p>7. Ĉe l'fino de la tago<br/>kuŝigu vin sen plago,<br/>silentas la anim'.<br/>Ne punu nian faron,<br/>sed nin kaj la najbaron<br/>dormigu, Dio, nun sem tim'.</p> |
| <p>...</p>                                                                                                                                                                                                         | <p>...</p>                                                                                                                                                                   | <p>...</p>                                                                                                                                                         | <p>...</p>                                                                                                                                                          |

---

duona tamen nur.

*Verkinto de tiu ĉi Germana poemo estas* MATTHIAS CLAUDIUS (\*1740-08-15 – †1815-01-21).

*Arg-394-776 (2012-12-24 20:31:03)*

*La poemo estas kantebla laŭ melodio verkita de Johann Abraham Peter Schulz (31.03.1747 - 10.06.1800). Pri tiu vidu la retejon [http://de.wikipedia.org/wiki/Johann\\_Abraham\\_Peter\\_Schulz](http://de.wikipedia.org/wiki/Johann_Abraham_Peter_Schulz). Vidu ankaŭ: <http://ingeb.org/Lieder/DerMondi.html>. Tie estas aŭdebla la meolodio. La muziknotoj troviĝas en <http://www.liederprojekt.org/lieid27783.html>.*

*Traduko de la Germana poemo “Abendlied” de* MATTHIAS CLAUDIUS (\*1740-08-15 – †1815-01-21) *en Esperanton de* GUIDO HOLZ (\*1920 – †1989).

*Arg-394-778 (2007-03-26 12:53:22)*

*Tiu ĉi traduko estas publikigita en 1984 en “Esperanto aktuell”, la organo de Germana Esperanto-Asocio, sur la aldonaj “Flavaj paĝoj”, sur paĝo 14 de la numero 6/1984. Mi, Manfred Retzlaff, detajpis la tradukon el tiu, en 2007-03-26. Enigis la tradukon de Guido Holz la tiama redaktisto d-ro Dirk Willkommen.*

*Traduko de la Germana poemo “Abendlied” de* MATTHIAS CLAUDIUS (\*1740-08-15 – †1815-01-21) *en Esperanton de* MANFRED RETZLAFF (\*1938-11-04) *en 1989-09-10.*

*MR-013-2 / Arg-394-777 (2007-03-26 13:19:45)*

*Tiu ĉi traduko estas unue publikigita en 1984 en “Esperanto aktuell”, numero 6/1984, la organo de Germana Esperanto-Asocio, sur la aldonaj “Flavaj paĝoj”, paĝo 15. Enigis ka tekston de la traduko la tiama redaktisto d-ro Dirk Willkommen. Mi, Manfred Retzlaff, ŝanĝis en 2007-03-26 nur la duan strofon, kompare al la teksto aperinta en “Esperanto aktuell 6/1984”.*

*Traduko de la Germana poemo “Abendlied” de* MATTHIAS CLAUDIUS (\*1740-08-15 – †1815-01-21) *en Esperanton de* JOACHIM GIESSNER (\*1913-12-23 – †2003-11-25).

*Arg-394-782 (2007-03-28 09:55:34)*

*Mi, Manfred Retzlaff, detajpis tiun tradukon de Joachim Gießner el folio kun letero, kiun skribis al mi en 1987-11-24 s-ro Joachim Gießner. Li skribis en tiu letero, ke la fakto, ke lia traduko de la unua strofo estas tute la sama kiel en tiu de Otto Bonte, estas hazardo kaj ke li ne sciis antaŭe la tradukon de Otto Bonte.*